# Song

## 1.

Pu oot yer banjo, boy, n strum at yon fu moon

till ye nip the prood violet's wheezy reek

fae teeth n nose n mooth.

#### 2.

Pu oot yer banjo, boy, n pluck the fucker

till ma hert strings snap n whip the raw rank erse ae the wirld

wi memory like the putrid seas ae Jupiter.

## 3.

Pu oot yer banjo, boy -

lazy bam in yer lazy bed wi yer sweetened songs n yer honey dream rhymes. Ah wull dance, dammit! – n let the roilin waves spill oan the frozen shore, till midnight wurds ir whisperin tendrils ae shiverin ecstasy nae mair.

# LOOK UP!

#### Part 1

Av been perched at this windae fur a while noo starin oot at yon monolith ae local government wi us aw teeterin oan the edge ae the abyss aboot tae plunge heid first thru chaos and calamity, the next bunch ae jerk-offs showerin us wi silver tongued deceits, (Ah saw the full moon once reflected in its dark glass, like a picture taken in outer space beamed back and shimmerin on a screen grainy vision ae beyond) – sittin contemplatin the nature ae spiritual LUMINOSITY against a background ae social deprivation drug induced mayhem & blood bleached alcoholism -FUCK! Here & now! I mean here & fuckin now!

9

Granted av always hid these swirlin sun eyes gazin back oan the 60s a dream machine vision ae evolutionary leap up, leap up! – age ae Aquarius A-Q-U-A-R-I-U-S! – droplets ae the divine oan a tongue soaked skycopter leapin Helios – but that's aw shot tae hell, right?

For every brain–stormin pseudo-scientist dippin their finger in the Acid pot at Millbrook – girls in green saris loungin on the lawn like yellow haired dakinis waitin tae greet every star seekin psychonaut filtered thru the heavy iron gates – at least a dozen kids ended up pan–fried–mash–up material in some loony bin somewhere catatonic schizophrenic lost tae the black immensity ae the VOID – consciousness expansion ma eyeball!

& yet here's me readin a book aboot the history ae LSD in America wi a certain degree ae sympathy for Dr Leary and his cohorts sandalled toe up the arse ae smug liberal complacency & that vital crucial mystical yield ae philosophy set tae penetrate the landlocked brain

ae the pale consumer classes.

Ah see cult girls & light—being boys, blue sapphire visionaries whirlin in the desert, clear diamond souls birlin tae the edge ae the blissful ocean while the pacific moon sinks a lover's kiss oan the surface ae the sea. Ah see them aw in floo'ers & feathers, saft gentle draped roon stane clad monuments, ower government instit—utions, departments ae higher education correction detention as meek as Jesus as wild as Moses & Milarepa.